

NEWSPAPER CLIPPING

Date : 25 April 2018
Title : Dilema 18 pemain Malaysia Tigress
Publication : Berita Harian Online
Page :

SUKAN » Lain-lain (Sukan)
Rabu, 25 April 2018 | 11:19pm



PENGENDALI skuad hoki wanita negara, Dhaarma Raj Abdullah.

Dilema 18 pemain Malaysian Tigress

Oleh Naqib Nor Said
naqib@nstp.com.my

[f Share](#) [Tweet](#) [8+ Share](#)



NEWSPAPER CLIPPING

Date	:	25 April 2018
Title	:	Dilema 18 pemain Malaysia Tigress
Publication	:	Berita Harian Online
Page	:	

KUALA LUMPUR: Pengendali skuad hoki wanita negara, Dhaarma Raj Abdullah mungkin terpaksa menagih semula khidmat Nur Zafirah Aziz dan Nurul Safiqah Mat Isa selepas beberapa pemain pilihannya beraksi hambar pada Sukan Komanwel Gold Coast 2018, awal bulan ini.

Beliau yang sudah dua tahun membimbing Malaysian Tigress, pada awalnya bercita-cita membawa penyerang muda Nur Maizatulhanim Syafi Sheikh Fuad dan Nor Asfarina Isahyifika untuk kempen Trofi Juara-Juara Asia bermula 13 Mei ini.

Namun, beliau mungkin terpaksa melupakan niatnya itu selepas kedua-dua pemain itu kini terikat dengan komitmen beraksi dalam Kelayakan Sukan Olimpik Remaja B-18 Asia di Bangkok, bermula hari ini hingga Ahad ini.

Dengan mempunyai tempoh hingga Jumaat ini bagi menyerahkan senarai penuh pemain kepada Persekutuan Hoki Asia (AHF), Dhaarma tiada pilihan selain perlu menimbang untuk membawa Zafirah dan Safiqah yang masing-masing beraksi di posisi penyerang dan pertahanan.

Dua pemain PKS Uniten itu sebelum ini tidak terpilih ke Gold Coast, biarpun kembali diberi kepercayaan untuk menyertai kem latihan negara selepas pernah diketepikan untuk satu tempoh yang panjang.

"Saya sebenarnya nak bawa pemain muda ke Korea Selatan untuk bagi pendedahan, tapi mereka kini mempunyai komitmen di Thailand. Dengan saya perlu menyerahkan nama selewat-lewatnya Jumaat ini, ia menyebabkan saya berada dalam dilema.

"Jika saya tetap ingin senaraikan pemain muda ini, saya perlu mengambil risiko tanpa melihat perkembangan terkini mereka selepas lebih sebulan tidak bersama pasukan.



NEWSPAPER CLIPPING

Date	:	25 April 2018
Title	:	Dilema 18 pemain Malaysia Tigress
Publication	:	Berita Harian Online
Page	:	

"Tapi jika saya memutuskan pemain berlandaskan pemilihan di sini, kedua-dua pemain ini (Zafirah dan Safiqah) tetap berpeluang," kata Dhaarma.

Menerusi penamat kelapan di Sukan Komanwel baru-baru ini, masalah utama yang dihadapi Dhaarma adalah kurangnya kekuatan di bangku simpanan hingga memaksa jurulatih kelahiran Melaka itu tidak mengamalkan sistem penggiliran terutamanya di bahagian pertahanan.

Ia berpunca daripada kegagalan beberapa pemain muka lama menunjukkan prestasi baik sekali gus menyebabkan Dhaarma berasakan sudah tiba masanya memberi peluang kepada pemain lain.

Trofi Juara-Juara Asia kali ini menyaksikan Malaysia turun sebagai pasukan bukan pilihan di belakang China, India, Jepun dan tuan rumah Korea Selatan.